



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, [1659 erschienen] 1660

S. Avstregisilvs C. 20. Maij.

urn:nbn:de:hbz:466:1-42032

tutibus contra vitia libertas, is ardor, ut ad eum
aleas flammis ustulandas omnis urbs comporta-
ret: adeo ut illi, qui his conficiendis vitam susten-
tarant, ultima paupertas immineret, nisi eidem au-
ctor BERNARDINVS fuisset nomen IESV deinceps
tabellis insculpendi, quo factum brevi est, ut dite-
sceret etiam. Ipse Divus cum de nomine IESV se-
pe sepius diceret, supra caput suum id ipsum quan-
doque conspicuum habuit sole splendidius. Superi-
ri! quis unquam clarius exiit concionator? *Ex
Suro.*

*Quid amabilius verecundo adolescente? quam
pulchra hac gemma morum in vita & vultu illius?
quam vera & minimè dubia bona nuncia spei, bona
indolis index? Quid ita turpeloquii & omnis tur-
pitudinis fugitans? soror continentie est. S. Bern.
serm: 86. in Cant.*

S. AVSTREGISILVS C. 20. Maij.

PUrpuratum è Regiâ Franciâ Magistrum dabi-
mus stantibus in bivio, & de devinitatis erga
se consilio incertis. AVSTREGISILVS is est, qui à
parentibus ad curam posteritatis impulsus, post
longam frustrationem, trium Dynastiarum nomi-
na totidem membranis inscripta aræ imposuit, ad
quam trinotio pervigilaturum se spondit, eum
deinde focerum optaturus, cuius sibi nomen sor-
titiò obtigisset. Verùm alterâ ei nocte somnus ob-
repit, sed qualis esse solet divina patientium: vi-
dere enim sibi visus est Cælites duos de suo cum
Iusti iudicis filiâ conjugio colloquentes. Eum ju-
dicem dum vigil: postea inquit, vocari ad sacer-
dotium se, curamque Ecclesiæ intelligit, quæ scili-
cet ipsissima Iusti iudicis filia est. Neque displice-
bat conditio à re uxoriâ abhorrenti: injeſta ta-
men.

men, mali dæmonis invidiâ, aliquantilla properranti mora est. Betellinus quidam repetundarum postulatus AVSTREGISILI nomen apud Guntramum Regem detulit, calumnia tam speciosa, ut duello purganda fuerit. Ad id diversis se luctatores studiis præparabant. AVSTREGISILVS placare precibus Numen, argentum omne in pauperes effundere, suis se virtutibus magis, quàm armis involvere. Calumniator generosissimo confusus equo, dum divinâ vi obtorpescentem fodit calcaribus, ab eodem efferato effusus animam exhalavit. Nemo dubitavit AVSTREGISILO cum pœnas dedisse, qui eâ cura liber, à sponsæ suæ (Bituricensis Ecclesia fuit) ex voto Episcopus obtigit. Pro dote cælum accepit an. DC. XI. nobis quoque apertum, si exemplo ejus non tam diu, quàm cum Deo deliberaverimus, quod statuendum est semel.

Ex Surio.

Si voci Dei tui præparas aurem internam, fugam curam externam, ut expedito & vacante interno sensu dicas cum Samuele, Loquere Domine, quia audit servus tuus. Vox hæc non sonat in foro, nec auditur in publico; secretum consilium secretum quærit auditum, S. Bern. Ep. 107.

S. HOSPITIUS C. 21. Maij.

HOSPITIVM qui vidisset, omnibus coopertum sceleribus crederet; qui nosset, simulachrum esse virtutis pronunciarat. Tanti est, bonum virum ex cultu corporis, an animi æstimes. Apud Nicensiam Gallorum urbem altâ abditus turri, onustus ferro omnique reorum squalore deformis, raro cum hominibus commercio, cum superis æterno agebat, quibus monentibus, iratum Gallis Numen,